



PEPA O FAAMATALAGA

Apia, 10 Tesema 2025 — *Fa'amanatuina o le Aso Fa'avaomalo o Aiā Tatau a Tagata*

Sa fa'amanatuina e le Ofisa o le Komesina o Sulufaiga/Ofisa o Aiā Tatau ma le Ofisa o le Komesina o Aiā Tatau a Tagata o le Malo Aua'atasi(OHCHR), o le Aso Fa'apitoa mo Aiā Tatau. Na fa'atinoina ai ni polokalama eseese, lea na fa'ai'uina ma taualuga ai i le aso 10 Tesema 2021 i se sauniga fa'apitoa na faia i le Tanoa Hotel.

O le Aso Fa'apitoa mo Aiā Tatau e fa'amanatuina i tausaga ta'itasi mo le toe fa'amautuina aloa'ia o le Fegaiga Fa'avaomalo mo Aiā Tatau a Tagata i le aso 10 Tesema 1948.

O le Autu mo lenei tausaga - *“O Aiā Tatau e taua mo le Soifuaga o aso uma”*

A o tatou manatunatu i le uiga o Aiā Tatau a tagata soifua mo aso uma, e le o ni mafauauga faivavale, ae o se fa'amamafa i le aogā o Aiā Tatau i le fa'atinoga o a tatou galuega i aso uma, e tele ina tatou le manatua ma talitulimaina. O Aiā Tatau a tagata soifua o ni vaega taua tatou te fa'alagolago i ai i aso uma - mai meataumafa tatou te a'ai ma le okesene tatou te manavaina, i upu tatou te tautatala ai, fa'apea faamoemoega tatou te tulituliloaina po o puipuiga mo le saogalemu.

I le aga'i atu i le Aso o Aiā Tatau a Tagata 2025, na fa'atautaia ai e le Ofisa ma le OHCHR se tauvaga mo tusigā ata ma solo mo tamaiti, lea na tuuina atu ai le avanoa mo sui tauvā latou te tuufaatasia ai ni faatufugaga e atagia ai itu latou te manatu o ni Aiā Tatau 'e taua mo le soifuaga i aso uma'.

Na fa'atautaia fo'i e le Ofisa ma le OHCHR ni polokalame fa'apitoa se lua i luga o le TV5 i le po o le aso Tofi ma le Trivia i le aso 27 Novema, fa'atasi ai ma le 4 Tesema, mo le lauliliuināo le silafia ma le malamalama o tagata sa auai i mataupu tau Aiā Tatau i tulaga fa'ava-o-malo.

Sa fa'atautaia fo'i e le Ofisa se gaioiga mo le Atunuu Lautele i le Autu o Fua Faeleeleaga Lanulauava, sa aoina ai fua o fa'aeleeleaga ma fuala'au 'aina fou ma foa'i atu i le Maota mo Tagata Matutua i Mapuifagalele. Na auai uma le auaigaluega a le Ofisa i le fa'atinoina o lea foai i le aso 8 o Tesema, soso'o ai ma felafolafoaiga a le auaigaluega ma mamalu o matua tausī, ae taualuga i soa ma saasaaga mai Tina ma Tama Matutua faatasi ai ma Sui o le Ofisa.

Na amatalia polokalame o le Aso Lulu i le faalauiloina o galuega faatino a fanau e aofia ai tauvaga tusiga ata ma solo, soso'o ai ma le faaaliaina o le ata ua fa'aigoaina o le YUMI — , o se vaaiga i le fitaituga sa feagai ma Fanau a'oga o le Univesite Aoao o le Pasefika e ala i sa latou talosaga fa'aletulafono na tuuina atu i le Fa'amasinoga Maua'uga a le Lalolagi faatatau i suiga maaleale o le tau. Na sosoo ai ma le fa'atautaia Fesili ma Tali, e le susuga Patrick O'Grady Walshe (UNDP) fa'atasi ai ma le Tamaitai Ofisa Faufautua mo Talavou ma Tulaga i le Tau o Audrey Lee Hang ma Luna-Rossa Lomitusi-Ape.

O le sauniga mo le tufafufaina o faailoga taualoa mo Aia Tatau na faatautaia o le aouli ma faailoa ai i latou na maua le tulaga 1, 2 ma le 3 i tauvaga Tusiga Ata ma Solo; Trivia, ma fa'ailoa ai fo'i i latou na manumalo i Fa'ailoga o Siamupini o Aiā Tatau, saunia ma tapenaina e le Ofisa.

O se laolao na faaalai ai le amanaia ma fa'afetaia ai e le Ofisa i latou na famanuiaina i Faailoga o Siamupini o Aiā Tatau e aofia ai:

Luna-Rossa Lomitusi-Ape – Siamupini o Aiā Tatau mo Tupulaga Talavou 2025

O le filifilia ai o Luna Lomitusi e avea ma siamupini o Aia Tatau mo Tupulaga Talavou i lenei tausaga o le amana'iaina lea o lona sao i le faalauiloaina ma le puipuia o Aiā Tatau a tagata i itu tau suiga o le tau ma pisinisi gafataulimaina.

Goshen Trust – Siamupini o Aia Tatau a Tagata 2025 mo Faalapopotoga

O le Goshen Trust na avea ma Siamupini o Aia Tatau a Tagata 2025 mo Faalapopotoga ona o le tulaga tu mati'e o lona sao i le fa'alauiloaina ma le puipuia o Aiā Tatau a tagata i le itu tau le soifua maloloina o le mafaufau; ma le tausia lelei o tagata. O le Afioga ia Naomi Eshraghi (Ofisa Sili o Pulega Goshen Trust Mental Health Services) sa fai ma sui o le faalapopotoga e taulimaina lea faailoga faapitoa.

Rudy Barley – Siamupini mo Aia Tatau a Tagata mo Ofisa Faasalalau

O le Susuga ia Rudy na faamanuiaina i le Fa'ailoga Siamupini o Aiā Tatau a Tagata mo Ofisa Fa'asalalau e tusa ai ma loa sao taua i le fa'alauiloaina ma le puipuia o Aiā Tatau a tagata e ala i le unaia o le sa'olotoga mo fa'asalalaua ma le fa'alauiloaina o a'oa'oga. O se Uso e faasino i le Susuga ia Rudy, le susuga ia Mark Bartley, sa ia taulimaina le fa'ailoga e fai ma sui o Rudy. O le uso ia Mark ma le tina o Rudy, ia Margie, sa auai i le sauniga mo le tufatufaina o faailoga.

Faalapotopotoga Faipisinisi mo Tamaitai Inc (WIBDI) - Siamupini o Pisinisi ma Aia Tatau a Tagata 2025

O le WIBDI na filifilia mo le Siamupini o Pisinisi ma Aiā Tatau a Tagata i lenei tausaga ona o lona o sao tu mati'e i le fa'alauiloaina ma le puipuia o Aiā Tatau a tagata i le tulaga o pisinisi gafataulimaina ma avanoa tutusa i galuega. O le Afioga ia Fuimaono Rosalia sa ia taulimaina lea fa'ailoga e fai ma sui o WIBDI.

Tiara Tuulua – Faailoga Faapitoa a le Komesina o Sulufaiga 2025

Ua filifilia le Susuga ia Tiara Tuulua mo le Fa'ailoga a le Komesina o Sulufaiga i le 2025 e amanaia ai lona sao taua i le fa'alauiloaina ma le puipuia o Aiā Tatau a tagata i le tulaga o le tausia lelei, soifua maloloina o tinā, ma Aiā Tatau a le fanau iti .

Mo nisi fa'amatalaga fa'amolemole fa'afeso'ota'i ellenlinamtumua@ombudsman.gov.ws po'o phaedra.lameko@ombudsman.gov.ws.